

Letzt Jeändert: Juni 17, 2025

MAUSLEN VESTOHNE

Waut sent Mauslen?

Mauslen es ne sea aunstekjende Krankheit de von eene Persoon too de aundre geit. Se woat dorch een Virus veasoakt.

Wie schlimm sent Mauslen?

Mauslen kennen sea jefehrlich senne Onjefäär 20% von de Mensche de Mauslen habe motte no'et Kraunkehus. Daut passiert mea bie Kjinja unja 5 Joa un bie Mensche met schwoake Oofwäakräfte. Et kaun too Lungen Entzündung, Gehirnschwellung, Schwoarikjheite enne Schwaungeschoft, oda soga tom Doot feare.

Wie spreet sikj Mauslen?

Mauslen spreet sikj dorch de Loft von kjeene Droppe vonne kraunkje Persoon. De Virus kaun bis too twee Stund enne Loft bliewe. Mensche de doobie sent kennen de kjeene Droppe ienodem un kraunk woare.

Waut sent de Teakjens von Mauslen?

Mauslen fange jewöhnlich aun met Feeba, Hoost, rinnende Näs, un roode, wotrige Uage. Daut Feeba fangt jewöhnlich bie 101 °F aun, oba kaun bis 105 °F gohne. Een Utschlag kjemt een poa Doag späda. De Utschlag fangt jewöhnlich opp'et Jesicht aun un spreet sikj äwa de Kjarpa un no de Oams un Been.

Wann kaun eene Persoon met Mauslen aundre aunstekje?

Eene Persoon kaun Mauslen wieda jäwe von 4 Doag vea'em Utschlag bis 4 Doag no'em Utschlag.

Wua kaun ekj mea läare äwa Mauslen-Veschetsung un nieeste Norechte en South Dakota?

Kjik opp doh.sd.gov/diseases/measles fa hietige Aunleitung, Veschetsung-Tips, un Utbroak-Norechte.

IMPFUNG-SCHUTZ UN OOFWÄAKRÄFTE

Wie kaun ekj mie vea Mauslen-Aunstekjung beschetze?

De Mauslen-Impfung (MMR) es de baste Wajch sikj too beschetze un es sechara aus Oofwäakräfte dorch Krankheit.

Kjik mol opp doh.sd.gov/diseases/measles fa mea Informatsoon un de nieeste Norechte

Letzt Jeändert: Juni 17, 2025

Kaun ekj noch Mauslen kjree wan ekj jeimpft sie?

Et es selde, oba et es määjlich. Kjeen Impfung es 100% perfakjt. Oba jeimpfte Mensche de Mauslen kjree habe jewöhnlich ne lichtare Krankheit. En dem jetzije Utbroak, sent bloos 3% von de Fäll bie Mensche jewäse de een oda twee Mauslen-Impfungen (MMR) jehaut habe.

Wie lang duat et bis de Impfung wirkt?

Et duat onjefäär 2 Wäakje no de Impfung bis dien Kjarpa vollen Schutz haft.

Wäa es beschetzt oda haft Oofwäakräfte jäajen Mauslen?

Du best beschetzt oda hast Oofwäakräfte wan du:

- Vea 1957 jeboore bist
- 2 Doos von de MMR Impfung jehaut hast
- Een Bloot Oabeit hast de wiest daut du Oofwäakräfte hast
- Aul mol Mauslen jehaut hast

Kjenne Grootmensche de MMR Impfung kjree?

Jo. Grootmensche kjenne de Impfung kjree wan se noch nich beschetzt sent.

Es et jefehrlich wan maun mea aus 2 Doos von de Mauslen-Impfung (MMR) kjricht?

Nä. Et es secha ne drette Doos too kjree wan needich, soo aus wan maun no Lända reist wua Mauslen-Utbräakj sent.

Waut sent de Nāwewiakjunge von de Mauslen-Impfung?

De measchte Mensche de de Mauslen-Impfung (MMR) kjree habe kjeen Nāwewiakjunge. De waut habe, kjree jewöhnlich Teakjens benne easchte 12 Doag. Disse Nāwewiakjunge kjenne senne: Weedoag, Schwoltz, Roodheit aun de Impfstäd, Feeba, lichte Utschlag, oda Weedoag oda Stiew enne Jelenkj.

Ekj wea jeimpft, oba ekj haud Kjräft un haud Chemotherapie. Sie ekj noch beschetzt?

Du sust met dien Dokta räde. Chemotherapie kaun diene Oofwäakräfte aungriepe, soo daut dien Dokta velicht ne Bloot Oabeit oda noch ne Impfung raut.

Letzt Jeändert: Juni 17, 2025

IMPfung KJRIEE UN BERECHTE

Wua kaun ekj de MMR Impfung kjriee?

Du kaunst de Impfung bie de measchte Dokta-Stowe, Klinike, un maunche Opptieekj kjriee. Du kaunst uk [VACCINES.GOV](https://vaccines.gov) besekje un dien Postleitzohl enjāwe om Stāwe too finje wua Impfunge sent. Roop eascht aun om secha too senne daut se et habe.

Es doa ne Sorj daut de Impfung utgeit?

Nā. Et es kjeen bekaunde Knapheit. De measchte Jesundheitsdienste en South Dakota selle de Impfung habe.

Wie kaun ekj ne Kopie von mien Impf-Berecht en South Dakota kjriee?

Go no [SD.gov/cs](https://sd.gov/cs) un sekj Immunization Records Request om daut online Berecht-Froag-Formular too finje.

Bitte denk doaraun: Om diene Impf-Berechte too froage, woascht du een Konto opp'et South Dakota Citizens Portal moake motte. Een jeldije Utwieskuat vom Staat es needich. Daut South Dakota Jesundheits-Amt kaun kjeen Impf-Berecht-Froage äwa'et Telefoon beorbeide.

WAUT TOO DOONE WAN DU KRAUNK BIST ODA BIE Mauslen WEASCHT

Waut saul ekj doone wan ekj denkj daut ekj Mauslen hab?

Roop dien Dokta oda Klinik aun foats du henjfeischt. Se woare die saje wua du henjgohne saust wan du doahen kjemst, doamet aundre nich aunjestaakjt woare. Saj an von diene Teakjens un auf du bie jemand weascht de Mauslen haud.

Ekj wea aun ne Städ wua jemand met Mauslen jewāse wea. Waut saul ekj doone?

Beobacht die selwst fa Mauslen-Teakjens fa 21 Doag no dem du doabie weascht. Wan du nich beschetzt bist, kaunst du de Mauslen-Impfung benne easchte 72 Stund (3 Doag) no dem Kontakt kjriee om de Entzindunk too vehindre. Wan du nich beschetzt bist un kjeen Mauslen-Impfung jekjrāaje hast, sust du uk tohus bliewe wāarent du opp Teakjens oppaust. Maunche Mensche met hooge Jefoa kjenne Immunoglobulin benne easchte 6 Doag no dem Kontakt kjriee om de Krankheit nich soo schlimm too moake. Wan du Mauslen-Teakjens kjrichst, roop foats dien Dokta aun un saj am daut du bie Mauslen weascht un waut fa Teakjens du hast.